



Malik Berthelsen
Inatsisartuni ilaasortaq, Siumut
/ - Maani

Sisimiuni akit pillugit § 37 naapertorlugu apeqquaqammumut nr. 2011-200-mut akissuteqaat

07. november 2011
Sagsnr. 2011-056970
Dok. Nr. 759281

Asasara Malik Berthelsen

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Apeqquqtitit pillugit qutsavigaakkut, taakkulu matuma kinguliani ataasiakkaarlugit akissuteqarfingineqassapput.

1) Olie akitsornera sioqqullugu Sisimiuni innaallagissap akitsorujussuarnera aningaasannorlugu Sisimiormiunut ukiumut qanoq naleqarpa?

Ilisimatitsissutigisinnaavara, piffissami akuersissuteqarfiusumi
ilisimatitsissutigineqarsimammat, ukiumut akinut qaffaatit Sisimiuni
aningaasartuutaanerusussanut tamarmiusunut imaattunik sunniuteqassasut
naatsorsuutigineqartoq.

Sisimiuni atuisunut aningaasartuutaanerusussat

Atuisunut nalinginnaasunut innaallagialu 16.992.736 kr.

Aalisakkerivinnut innaallagialu 2.542.517 kr.

Aningaasartuutaanerusussat katillugit, innaallagialu:

.....
.....19.535.234 kr.

2011-mi aningaasartuutaanerusussat tamarmiusut sulii ilisimaneqanngillat, 2011-mi tunisat tamarmiusut tupinnanngitsumik sulii ilisimaneqanngimmata. Taamaattumik missiliuinermi tunisani Sisimiuni tunisaasartut nalinginnaasut malinneqarumaarnissaat naatsorsuutigineqarpoq.

Apeqquqtitinni aamma oqaatigisattut juulimi uuliamut akit qaffannerat pissutigalugu 1. august 2011-mi akit iluarsineqarput. Apeqquqtitigisat naapertorlugu aaqqiineq tamanna matuma siuliani missiliuinermut ilaatinneqanngilaq.

2) Innaallagissap taamak annertutigisumik akitsornissaa sioqqullugu, innuttaasunut qanoq sunniuteqassanersoq nalilersoqqaarsimavisiuk?

Akinik akuersinermut atatillugu akinut allannguutit aningaasaqarnikkut ataatsimut katillugit sunniutissaattut naatsorsuutigineqartut nassuiaatigineqarput. Kiisalu illoqarfanni nunaqarfinnilu ataasiakkaani nioqqutissanut sullitanullu ukununga aningaasaqarnikkut sunniutissatut naatsorsuutigineqartut naatsorsorneqarput: Aalisakkerivinnut

innaallagialq, atuisunut nalinginnaasunut innaallagialq, aalisakkerivinnut imeq, atuisunut nalinginnaasunut imeq aammalu kiassaaneruinnaasoq.

3) Sisimiuni innaallagissap akiata taamak annertutigisumik (47%) qaffanneranut suna pissutanersoq Naalackersuisut nassuiarsinnaavaat?

Akinut ilusiliussat atuuttut, inatsisinut nassuiaatini kiisalu nalunaarutini aalajangersarneqarsimasut naapertorlugit akit Nukissiorfinnit naatsorsorneqartarput. Tamatuma kingorna Nukissiorfiit qinnuteqaammik Naalackersuisunut nassiusaartarput, tassanilu aamma akit pillugit qinnuteqaat inatsisit atuuttut naapertorlugit suliarineqartarput.

Akit tunngaviumik ukiumut ataasiarlutik Nukissiorfinni uuttuummut ataatsimut aningaasartuutit iluarsaatat nutaanerpaat, aammalu aningaasartuutitut qaffaatissat appaatissallu il.il. tunngavigalugit iluarsineqartarput. Sisimiuni 2011-mi aningaasartuutiviusut tunngavigalugit akit kWh-mut 3,70 koruuniupput. Aningaasartuutiviusut tunngavigalugit akiusut akit qaffasinnerpaaffissaannit (kWh-mut 3,02 koruunit) amerlanerummata, Sisimiuni akit qaffasinnerpaaffissaat atorlugu atuisut akiliisinnerqartarput. Tamanik saqqummiussinissaq eqqarsaatigalugu oqaatigineqassaaq, akit qaffasinnerpaaffissaat aggustimi kWh-mut 3,48 koruunimut qaffanneqarmat.

Apeqqutinnut tunngavilersuutitut ilaatigut nalikilliliinerit pillugit apeqqummut siusinnerusukkut akissuteqaatikka Aningaasanut Inatsimmi kontomut 74.94.04 "Nukissiorfiit, erniat" ersarissumik nallersuunneqarsinnaannginnerat innersuussutigaa. Siusinnerusukkut akissuteqaatikka Aningaasanut Inatsimmi kontomut nallersuupput, tamannalu matuma kinguliani itisilerlugu nassuiaatigissavara.

Ergup nukinganik innaallagissiorfimmi sanaartukkat assigiinngitsut sanaartukkat ataasiakkaat atasinnaassusiit naatsorsuutigineqartut malillugit nalikilliliiffigineqartassapput. Assersuutigalugu turbinit generatorillu ukiuni 35-ni atasinnaasut naatsorsuutigineqartarput. Taarsigassarsiat kontomi 73.94.04-mi takuneqarsinnaasut, aammalu ergup nukinganik innaallagissiorfiliornissamut Nukissiorfiit Nunap Karsianit taarsigassarsiarisimasat ukiuni 20-ni akilersorneqartussaapput.

Tassalu sanaartukkanut nalikilliliinissamut aammalu taarsigassarsianut taarsersuinermit piffissaliussat assigiinngitsuupput. Nalikilliliinerit atuisunut akit naatsorsorneritut ilaatinneqarput.

Tamatumunnga ilassutitut ergup nukinganik innaallagissiorfimmut taarsersukkat sukkaneruumik akilerneqarnissat siunnerfigalugu akit qaffanneqarnerat pillugu isumaqarnerit ilumuunngitsoq uppernarsassavara. Sisimiuni 2011-mi akit qaffanneqarnerat tunngavissanik arlalinnik pissuteqarpoq. Ergup nukinganik innaallagissiorfiup sananeqarneranut aningaasaliissutit amerlasuut soorunami piffissap ilaani akinik qaffatsitsissapput. Tamatuma saniatigut uulia atorlugu innaallagissamik pilersuinerup allangortiterneqarnerani ukioq manna akinik aalajangersaanermut atatillugu ikaarsaarnemi ajornartorsiortitsisimavoq. Kiisalu ergup nukinganut aningaasaliissutitut attuumassuteqanngitsumik akit iluarsiiiffigineqarsimapput, taakkuli aamma akit qaffanneritut tamarmiusumut piseeqataasimapput.

Siunissaq isumalluarnartoqarpoq. Sisimiuni akit 2012-imi apparnissaat naatsorsuutigineqarpoq, aammalu erngup nukinganik innaallagissiorfik Sisimiut siunissaannut aningaasaliineruvoq patajaassuseqarluartoq.

Neriuppunga akissutikka naammagisimassagitit.

Inussiarnersumik inuulluaqqusillunga

Jens B. Frederiksen